

BUKUREŠT


FIFA KVALIFIKACIJE ZA SVJETSKO PRVENSTVO
RUMUNIJA – BOSNA I HERCEGOVINA
20.03-23.03.2025.

Poznat po širokim avenijama, brojnim skulpturama i predivnim građevinama u stilu **Belle Époque**, Bukurešt je još 1900-tih dobio nadimak "Mali Pariz"! Glavni i najveći grad Rumunije danas je užurbana metropola sa više od 2 miliona stanovnika! Prema legendi Bukurešt je na obalama rijeke Dombovite, osnovao pastir **Bucur**, čije ime u doslovnom prijevodu znači "**zadovoljstvo**". Osim toga grad je to duge historije o čemu svjedoče brojni trgovi, parkovi, zgrade i spomenici kao što su: Trijumfalna kapija, Avenija pobjede, Trg revolucije, Kraljevska palata, Parlament...

PROGRAM PUTOVANJA

1. DAN, 20.03. (ČETVRTAK) SARAJEVO – BEČ – BUKUREŠT


Sastanak putnika na aerodromu Sarajevo u 05:00h. Let OS760 za Beč u 06:10h sa dolaskom u 07:25h. Slijedi presjedanje na let broj OS783 za Bukurešt u 09:55h. Po dolasku u 12:30h po lokalnom vremenu slijedi transfer autobusom do hotela u centru grada. Prijava i smještaj u hotel. U večernjim satima predlažemo odlazak s pratiocem putovanja u kraću šetnju centrom grada koji kojeg još nazivaju „mali Pariz“ ili „Pariz istoka“, posebno zbog karakterističnih neoklasicističkih zgrada, elegantne arhitekture i širokih bulevara. Slobodno vrijeme za večeru u gradu. Povratak u hotel. Noćenje.



2. DAN, 21.03. (PETAK), BUKUREŠT (UTAKMICA RUMUNIJA – BOSNA I HERCEGOVINA)

Nakon doručka slijedi fakultativni obilazak Bukurešta tokom kojeg ćemo prošetati samim centrom grada: **Calea Victoriei**, glavna gradska ulica, **Ateneul Roman**, koncertna dvorana, **Univerzitetska biblioteka** sa statuom Karola I, **Kraljevska palata**, **Piata Revolutiei**, Trg revolucije, mjesto odakle je krenula revolucija protiv komunističkog lidera Čaušeskua 1989.g. Ovdje ćemo vidjeti Spomenik oslobođenja, najkontroverzniju skulpturu u gradu koju lokalni stanovnici nazivaju krompir na igli; preko puta trga nalazi se bivša zgrada Komunističke partije

Rumunije. Sa balkona na prednjem dijelu zgrade (još uvijek vidljivog), **Ceașescu** je dao svoju posljednji, nesretni pozdrav naciji 21. decembra 1989. godine, prije nego što je pobjegao s krova u helikopteru. Nastavljamo šetati: **Pozorište Odeon, Pasajul Macca – Villacrose**, dojmiljivi pješački prolaz iz 19. vijeka natrkiven krovom od žutog stakla unutar kojeg se nalaze brojne pivnice i restorani. Slijedi razgledanje starog dijela grada (**Centru Vechi**): Prva banka Rumunije, najstariji pub/restoran u gradu **Caru cu Bere** (u prijevodu Vagon piva), crkva Stavropoleos.. Šetamo se do **Piatta Unirii**, Trg jedinstva, a zatim izlazimo na Bulevar jedinstva **Bulevardul Unirii** – najveći bulevar u Evropi, dug skoro 3km! Na bulevaru se nalazi moderna instalacija od **44 fontane** koje su ujedno i prve potpuno informatizirane fontane na svijetu, te se svake večeri ovdje odvija jedinstveni show svjetla i vode. Na samom kraju avenije nalazi se **Palatul parlamentului**, zgrada Parlamenta (sa više od 1000 soba!) koja je nakon Pentagona najveća zgrada na svijetu. Slobodno vrijeme za razgledanje (ulaznica uz doplatu). Slobodno poslijepodne u Bukureštu. Ručak u hotelu u 14:00h. Večera u 19:00h. Nakon večere, slijedi transfer do stadiona Rapid na kojem će sa početkom u 21.45h (lokalno vrijeme) biti odigrana utakmica Rumunija – Bosna i Hercegovina. Nakon utakmice, slijedi povratak u hotel. Slobodno vrijeme. Noćenje.



3. DAN, 22.03. (SUBOTA), BUKUREŠT – fakultativni izlet TRANSILVANIJA (DVORAC BRAN I BRAŠOV)

Doručak. Danas preporučujemo cjelodnevni izlet u Transilvaniju. Transilvanija inače u prijevodu označava područje „s druge strane šume“ i ima površinu od gotovo 100.00 km². Stanovnici su većinom Rumuni, Mađari, Nijemci i Romi koji su se ovdje naselili tokom vijekova migracija i kolonizacija. Vožnja kroz karpatske predjele prema Branu, mjestu gdje se nalazi čuveni Drakulin dvorac. Smješten na stijeni, datira iz 14.st., a proslavio ga je Bram Stoker u svom romanu „Drakula“ jer je prema legendi Vlad Tepeš tu živio. Posjeta dvorcu (ulaznica uključena) i kraće slobodno vrijeme. Zatim nastavljamo prema Brašovu, jednom od najljepših gradova negdašnje njemačke Saske (Kronstadt). Grad je bio raskrsnica putova između Osmanskog carstva i zapadne Evrope i ta je činjenica svakako doprinijela razvoju grada. Razgledanje centra grada s vodičem uključuje i znamenitu Crnu crkvu, poznatu i kao najveći gotički vjerski objekt u cijeloj Istočnoj Evropi (ulaznica uključena). Razgledat ćemo još i centralni gradski trg Piata Sfatului, Gradsku vijećnicu, ulicu Sforii, najužu ulicu u gradu, a prema tvrdnjama lokalnog stanovništva, takođe i u cijelom svijetu, stari ulazi u grad, vrata Porta Schei i Porta Ecaterina. Ručak u lokalnom restoranu (uključen u cijenu izleta). U poslijepodnevrim satima povratak prema Bukureštu. Noćenje.

4. DAN, 23.03. (NEDJELJA), BUKUREŠT – BEČ – SARAJEVO

Doručak. Odjava iz hotela u za to predviđeno vrijeme. Prtljagu ćemo ostaviti u hotelu do polaska transfera za zračnu luku. Slobodan dan za individualne programe i aktivnosti te dodatno upoznavanje s gradom. Predlažemo da svakako posjetite neke od atrakcija i znamenitosti Bukurešta: Etnografsko selo (etnografski muzej na otvorenom), gdje se možete upoznati s tradicionalnom arhitekturom Rumunije; Palača Ceausescu (Proljetna palača) koja je četvrt stoljeća (1965.-1989.) bila privatna rezidencija Nicolaea i Elene Ceaușescu i njihove djece, Nicua, Zoie i Valentina, sada se može posjetiti. Muzej ima impresivnu zbirku slika koje potpisuju Octav Băncilă, Camil Răssu, Rudolf Cumpăna, Dumitru Ghiță, George Baron Lowendal; širok izbor ručno rađenih tapiserija, kao i veliki broj mozaika koje su dizajnirali prof. Olga Porumbaru i prof. Florin Părvulescu. Slobodno

popodne do polaska na aerodrom u 16:30h. Prijava na let za Beč u 19:10h sati na liniji OS786 (Austrian Airlines). Dolazak u Beč u 19:50h, a zatim presjedanje na let za Sarajevo u 21:50h sa dolaskom u 23:00h. Kraj putovanja.

CIJENA: 1.395,00 KM/osoba

CIJENA OBUHVATA:

- Povratna avio karta Austrian Airlines (ekonomska klasa, 20kg čekiranog prtljaga + 8kg ručnog prtljaga) na relaciji Sarajevo-Beč-Bukurešt-Beč -Sarajevo sa uključenim aerodromskim taksama,
- Smještaj u dvokrevetnim sobama u hotelu Novotel Bucharest City Centre 4* ili sličan na bazi 3 noćenja s doručkom <https://all.accor.com/hotel/5558/index.en.shtml>
- Bus transfer na relaciji aerodrom-hotel-aerodrom i hotel – stadion - hotel
- Usluge pratioca grupe tokom putovanja i kompletna organizacija putovanja

CIJENA NE OBUHVATA:

- Ulaznica za utakmicu Rumunija – Bosna i Hercegovina (obezbjeđuje agencija)
- Doplata za jednokrevetnu sobu 295,00 KM
- Fakultativne izlete (Bukurešt – 30 EUR + ulaznice u objekte od interesa, cjelodnevni izlet Transilvanija sa bus prijevozom, ulaznicama u dvorac Bran i crnu crkvu u Brašovu te ručak u lokalnom restoranu – 145 EUR, večera s folklornim programom u nacionalnom restoranu u Bukureštu – 40 EUR)

*Kalkulacija je rađena na bazi 20 putnika.

ROK ZA PRIJAVU JE 10.03.2025.

KORISNE INFORMACIJE

- **Naziv države:** Rumunija. **Stanovništvo:** cca 20 miliona. **Površina:** 238.392 km².
- **Etničke zajednice:** Rumuni 89%, Mađari 6,6%, Romi 2,5%.
- **Religija:** Pravoslavci 81%, Protestanti 4,8%, Katolici 4,3%...
- **Valuta: Lej (RON) – 1,00 EUR = cca 4.80 Romanian LEI**
- Rumunska kuhinja je dugo vremena bila pod utjecajem turske, mađarske i njemačke kuhinje. Ovdje se služe veoma ukusne čorbe, šnicle, đuveč, musaka.... Predlažemo probati neslužbeno nacionalno jelo **sarmale** (sarma) – kupus rolnice punjene začinenom mljevenom govedinom. Ručak u dobrom restoranu možete dobiti za 15,00 EUR i više. Preporučeni restorani: Saray (turski), Hard Rock Cafe, MACE By Joseph Hadad (biskoistočni), JW Steakhouse, Balkon Resto Garden, Zexe Herastrau (rumunski), Trattoria Don Vito (italijanski), Benihana (japanski), Caru 'cu Bere (rumunski), Hanu' lui Manuc (rumunski), NOR - Sky Casual Restaurant...
- Bukurešt sve više postaje party destinacija, preporučujemo doživljaj starog grada naveče
- **Javni prijevoz u Bukureštu:** Metro, autobus, trolejbus, tramvaj. Zbog gužvi preporučujemo kretanje metroom. Cijene taksija kreću se od 1.39 LEI do 3.50 LEI po kilometru. Preporučujemo naručiti taksi na recepciji hotela
- Vremenska zona u Bukureštu je +1h u odnosu na BiH
- **Palata Parlamenta** je najveća poslovna zgrada na svijetu poslije Pentagona i treća najveća po obimu. Ovo ogromno zdanje je djelo komunističke epohe. Na zgradi je navodno radilo **700 arhitekata i 20.000 radnika**. Ima **12 spratova i 1100 soba**. Ispod zemlje se nalaze još **4 sprata kao i nuklearni bunker**. Unutrašnjost zgrade je podjednako impresivna kao i spoljašnjost. Enterijer je prepun **luksuznih kristalnih lusteru, mozaika, pozlate, mermera, podova prekrivenih raskošnim tepisima**.

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO Stari Grad: Ferhadija 16, telefon: 033 407 407, fax: 211 282; **Viber/WhatsApp:** +387 61 376 644

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; **Viber/WhatsApp:** +387 62 828 109

TUZLA: Džafer mahala 34, telefon: 035 283 666, 035 283 667; **Viber/WhatsApp:** +387 61 029 169

ZENICA: Maršala Tita 63, telefon: 032 409 409

www.centrotours.ba ID broj 4200153220232 Licenca broj: 07-05-22-13612

